

Headlines

- प्रधानमंत्री नरेंद्र मोदी होरें आखेआ जे पूरी दुनिया भारतीय युवाएं दी क्षमता प्रति आकर्षित ऐ।
- भारत रूस बिजनेस फोरम गी संबोधित करदे होई विदेश मंत्री डॉ. एस जयशंकर होरें भारत ते रूस बश्कार बपार सरबंधें गी मजबूत बनाने दी जरूरता पर जोर पाया।
- मुख्तियारी उमर अब्दुल्ला होरें अजज जम्मू-कश्मीर दी स्याले दी राजधानी जम्मू दे सिविल सचिवालय च कम्मकाज शुरू करी दित्ता।
- 2024 च जम्मू खित्ते च 8 थवां 10 आतंकवादी हमले होए, इंदे च 13 आतंकवादिएं दा सफाया, 18 सुरक्षाकर्मी शहीद ते 13 आम नागरिकें दी जान गई।
- 10 दिन चलने आहला सालाना झिड़ी मेला जम्मू-अखनूर जरनैली शिड़का कन्नै लगदे झिड़ी ग्रांस च 14 कोलां लेइयै 24 नवंबर तगर चलोग।

<><><><><><>

PM-Swami-Narayan

प्रधानमंत्री नरेंद्र मोदी होरें आखेआ ऐ जे पूरी दुनिया भारतीय युवाएं दी क्षमता प्रति आकर्षित ऐ। उनें आखेआ जे अज्ज दुनिया दे ज्यादातर नेता एह मेद करदे न जे उंदे मुख्य च कुशल जनशक्ति भारत दे हुनरमंद नौजोआन कम्म करन। मोदी होरें अज्ज स्वामीनारायण मंदर दी 200मीं बरे गंड दे मौके पर आयोजित कार्यक्रम गी संबोधित करा रदे हे। उनें आखेआ जे भारत दे नौजोआनें दी वैश्विक मंग होर बदने आहली ऐ। मोदी हारे आखेआ जे विकसित भारत आस्तै युवाएं गी सशक्त बनाना होग ते कुशल युवा मुख्य दी सब्बनें थवां बड्डी ताकत बनडन। दगुजरात दे बडताल च आयोजित कार्यक्रम गी वीडियो कांफ्रेंसिंग राएं संबोधित करदे होई एह गल्ल आक्खी। प्रधानमंत्री होरें देशवासिएं सोयां विकसित भारत दे नजरिए गी अपनाने ते अगले 25 बरें च इसी हासल करने च सक्रिय तौर पर योगदान देने दा आग्रह कीता। उनें कुशल श्रमिकें दी इक नमीं पीढी विकसित करने आस्तै सरकार दे महत्वपूर्ण जत्नें गी बी उजागर कीता। गुजरात च वडताल मंदर दे 200 बरे पूरे होने दे सरबन्धे च आयोजित समारोह च हिस्सा लैने लेई मुख्य भरै

थ्वां ज्हारां बद्दे श्रद्धालु उत्थे पुज्जे। एह् महोत्सव 7 तरीक गी शुरू होआ ते 15 नवंबर तगर चलोग।

<><><><><><>

Jaishankar-India Russia

विदेश मंत्री डॉ. एस. जयशंकर होरें भारत ते रूस बश्कार बपार सरबंघें गी मजबूत बनाने दी जरूरता पर लौ पाई। ओह् मुम्बई च भारत-रूस बिजनेस फोरम च मुख् भाशण देआ रदे हे। इस मौके पर रूस दे उप प्रधानमंत्री डेनिस मंटुरोव ते होर दुए मन्ने-परमन्ने दे लोक मौजूद हे। जयशंकर होरें दस्सेआ जे फिलहाल दौनें मुखें बश्कार 66 अरब डालर दा आंकड़ा पार करी जाग। जयशंकर होरें आखेआ जे दौनें मुख् यातायात बैंकिंग ते माली आदान-प्रदान जनेह् क्षेत्रें कन्नै जुड़े दे मुद्दे दे हल आस्तै कम्म करा रदे हे। उनें भरोसा दित्ता जे तौलें गै इक ऐसा हल कडुआ जाग जेदे च दौनें पक्ख सहमत होन।

<><><><><><>

51st CJI-Oath

जस्टिस संजीव खन्ना होरें अज्ज भारत दे 51में प्रधान न्याऽधीश दे तौर पर औहद्धे दी सगंध चुक्की। राष्ट्रपति द्रौपदी मुर्मु होरें उनें'गी अज्ज राष्ट्रपति भवन च लोआए गेदे इक समारोह दरान औहद्धे दी सगंध चुकाई। जस्टिस खन्ना होरें'गी पैहली बारी सन् 2005 च दिल्ली हाई कोर्ट च बतौर एडीशनल जज नियुक्त कीता गेआ हा ते 2006 च ओह् स्थाई जज बने हे। एह्दे परैन्त जनवरी 2019 च उंदी नियुक्ति सुप्रीम कोर्ट च होई ते अज्ज ओह् भारत दे 51में प्रधान न्याऽधीश बनी गे'न। उनें एह् औहद्धा जस्टिस डी.वाई. चंद्रचूड़ हुंदे थमां सांभेआ ऐ जिं'दा कार्यकाल कल खत्म होई गेआ।

<><><><><><>

PM-CJI

प्रधानमंत्री नरेंद्र मोदी होरें न्यायमूर्ति संजीव खन्ना होरें गी अज्ज भारत दे 51में मुख्वा न्यायाधीश दे तौर पर संगंध लैने लेई मुबारकबाद दिती। इक सोशल मीडिया पोस्ट च मोदी होरें आखेआ जे उनें न्यायमूर्ति संजीव खन्ना हुंदे शपथ ग्रहण समारोह च हिस्सा लैता। उनें अपनियां शुभकामनां दित्तियां।

<><><><><><>

NHRC-Programme

मनुक्खी अधिकारें सरबन्धी राश्ट्री आयोग अज्जै थमां विदेश मंत्रालय दे सैह्योग कन्नै नमीं दिल्ली च 6एं दिनें दा भारती तकनीकी ते आर्थिक सैह्योग कार्यकारी समर्थ निर्माण कार्यक्रम शुरू करोग। एहू कार्यक्रम 16 नवम्बर तगर चलोग। इस कार्यक्रम च मालदीव, नेपाल, श्रीलंका ते थाइलैंड सने 8एं मुख्वा दे मनुक्खी अधिकारें सरबन्धी राश्ट्री संस्थानें दे आला अधिकारी ते होर दुए लोक बी हिस्सा लैडन। आयोग नै आखेआ ऐ जे इस कार्यक्रम दा मकसद बक्ख-बक्ख खेत्तरें च मनुक्खी अधिकारें गी प्रोत्साहन, संरक्षण ते मजबूती देना ऐ।

<><><><><><>

NED-Poonch

दीनानाथ रफीक मैमोरियल गौरमेंट गर्ल्ज हायर सेकेंडरी स्कूल पुंछ आसेआ राश्ट्रीय शिक्षा दिवस पूरे उत्साह कन्नै मनाया गेआ। एहू कार्यक्रम मौलाना अबुल कलाम आजाद जेडे मुख्वा दे पैहले शिक्षा मंत्री हे, उंदी जयंती आहले ध्याडे मनाया जंदा ऐ तां जे शिक्षा दे क्षेत्र च उंदे योगदान गी सराहेआ जाई सकै। स्थाडे जिला संवाददाता दी रिपोर्ट मुजब इस मौके पुंछ दे डिप्टी कमिशनर विकास कुंडल होर मुख्वा परौहने हे। अपने संबोधन च विकास कुंडल होरें शिक्षा दे महत्व गी उजागर कीता। उनें शिक्षा गी सशक्त बनने ते विकास लेई महत्वपूर्ण करार दित्ता। उनें विद्यार्थिऐं गी मौलाना अबुल कलाम आजाद जनेह महान नेताएं दा अनुसरण करने लेई आखेआ जिनें भारत च आधुनिक शिक्षा सरिस्ते दी नींह रक्खी। इस मौके विद्यार्थिऐं आसेआ केई सारे कार्यक्रमें दा सरिस्ता कीता गेआ।

CM-Jammu

मुख्यमंत्री उमर अब्दुल्ला होरें अज्ज सिविल सचिवालय जम्मू थमां कम्म करना शुरू करी दित्ता ऐ। आकाशवाणी जम्मू दे संवाददाता दी रिपोर्ट मूजब मुख्यमंत्री उमर अब्दुल्ला होरें अज्ज सिविल सचिवालय जम्मू दा दौरा लाया। उंदे औने पर विधायकें, नेताएं ते अधिकारियें गर्मजोशी कन्नै उंदा सौआगत कीता। विधायकें ते नेताएं गी सहयोग ते खुल्ले संवाद गी बढावा देने दी अपनी प्रतिबद्धता गी जाहिर कीता। अनुच्छेद 370 दे टुट्टने मगरा जम्मू-कश्मीर दे पैहले मुख्यमंत्री दे तौरा पर उमर हुंदा सिविल सचिवालय जम्मू दा दौरा बड़ा मता महत्वपूर्ण ऐ। उपमुख्यमंत्री कैबिनेट मंत्रियें, मुख् सचिव, प्रशासनिक सचिवें ते विभागें दे प्रधानें बी जम्मू थमां अपना कम्म शुरू करी दित्ता ऐ। जीएडी दे 23 अक्तूबर गी जारी कीते दे आर्डर मताबक श्रीनगर थमां जम्मू दरबार मूव च सिर्फ प्रशासनिक सचिव ते विभाग दे शीर्ष प्रधान गै शिफ्ट होडन। मुख्यमंत्री उमर अब्दुल्ला हुंदा स्याले दी राजधानी जम्मू दे सिविल सचिवालय च बड़ी गर्मजोशी कन्नै सुआगत कीता। 16 अक्तूबर गी मुख्यमंत्री बनने मगरा एह उंदा जम्मू दे सचिवालय दा पैहला दौरा ऐ। मुख्यमंत्री उमर अब्दुल्ला हुंदा सुआगत मंत्रियें ते विधायकें बड़ी गर्मजोशी कन्नै कीता जिंचे च उपमुख्यमंत्री सुरिंद्र कुमार चौधरी ते कैबिनेट मंत्री सकीना इत्तू, जावेद अहमद राणा, जावेद अहमद डार ते सतीश शर्मा शामिल न। इस दौरान मुख्यमंत्री हुंदे सलाहकार नासिर असलम वानी, मुख् सचिव अटल डुल्लू, Additional Chief Secretary to Chief ते होर अधिकारी शामिल हे।

<><><><><><>

Terror-Activities-JK

पिछले 3 बरें थमां राजौरी ते पुंछ च जानलेवा हमले करने मगरा आतंकी गतिविधियां इस बरे जम्मू क्षेत्र दे 6 होर जिलें च फैली गई ऐ। जिंदे च 18 सुरक्षाकर्मी ते 13 आतंकवादी सने 44 लोकें दी मौत होई गई ऐ। सुरक्षा अधिकारियें अज्ज आखेआ ऐ जे राजौरी ते पुंछ दे पीर पंजाल जिलें च पिछले बरे दे मकाबले 2024 च आतंकवादी गतिविधियें च काफी गिरावट आई ऐ पर अप्रैल मई थमां रियासी, डोडा, किशतवाड़, कठुआ, उधमपुर ते जम्मू च होई दी घटनाएं दी श्रृंखला नै सुरक्षा एजेंसिएं गी चैता च पाई दित्ता ऐ। खतरे दा मकाबल करने ते शांतिपूर्ण इलाकें

च आतंक फैलाने दे पाकिस्तान आहले हैंडलरें दे जत्तें गी नाकाम करने लेई अधिकारियें आखेआ ऐ जे सेना नै पुलस ते केंद्र सशस्त्र पुलस बलें कन्नै नेडमां तालमेल करियै इनें इलाकें च अभियान शुरू करी दित्ता ऐ।

<><><><><><>

Kishtwar Search Operation

सुरक्षाबलें किश्तवाड़ जिले दे केशवान आहले घने जंगलें ते एह्दे कन्नै इलाकें च अपना सुरक्षा अभियान बरोबर जारी रखे दा ऐ। आकाशवाणी दे जम्मू संवाददाता मुजब सुरक्षाबलें जंदे वीरवारें जिले च द'ऊं ग्राम रक्षा गार्डें दी हत्तेआ करने आहले आतंकवादिणं दी धरफगड़ लेई पिच्छले च'ऊं दिनें थमां इस घने जंगली इलाके च तपाशी अभियान चलाए दा ऐ। कल दिनै तकरीबन 11 बजे शुरू होए दे टाक्करे च फौज दे इक जेसीओ नायब-सूबेदार रकेश कुमार शहीद होई गे हे ते त्रै होर जवान जख्मीं होए दे न। इलाके च छप्पे दे त्रै शा चार आतंकवादिणं दे सफाये लेई सुरक्षाबलें अपने अभियान गी होर तेज करी दित्ते दा ऐ ते दुर्गम ते पहाड़ी जांगली इलाका होने करी इस अभियान च चुनौतियां पेश आवै करदिआं न।

<><><><><><>

Kishtwar-House Fire

किश्तवाड़ जिले च अज्ज बडुलै इक घरै च अगगे लगगने करी इक महिला ते ओह्दे दऊं बच्चें दी मौत होई गई। आकाशवाणी संवाददाता दी रिपोर्ट मुजब मारे गेदे लोकें दी पंछान नाजिया बेगम, ओह्दी धीऽ अमीना ते जागत रिजवान दे तौरा उप्पर कीती गई ऐ। पुलसै मूजब ध्रबशाला इलाके च इस घरै च अज्ज बडुलै तकरीबन साइडे 4 बजे अगग लगगी गई। हादसे दे बेल्ले एहू महिला ते ओह्दे बच्चे सुत्ते दे हे जिस करी ओहू बच्चियें नेई नस्सी सके। अगग लगगने दे पिच्छे दिणं वजहें दा अजें पता लाया जा करदा ऐ। तोआई जंदी रातीं किश्तवाड़ जिले दे छातरू च गुजर-बकरवाल जागतें दे इक होस्टल च अगग लगगने दी इक होर घटना पेश आई ऐ। उआं इस घटना च कोई जानी नुकसान नेई होआ ऐ।

<><><><><><>

J&K Jhiri Mela

10एं दिनें तगर चलने आह्ला सलाना झिड़ी दा मेला ऐगती 14 नवम्बर थमां 24 नवम्बर तगर आयोजित कीता जाह्ग। आकाशवाणी संवाददाता मूजब, एहू मेला हर बरे जम्मू-अखनूर जरनैली सिड़कै पर झिड़ी ग्रां च अक्तूबर जां नवम्बर म्हीने कते म्हीने दी पुन्नेआ दे मौके लोआया जंदा ऐ। इस मेले दा आयोजन म्हान करसान नेता बाबा जित्तो हुंदी सुच्ची सम्हाला च कीता जंदा ऐ ते इस बरे तकरीबन 20 लक्ख लोकें दे एह्दे च हिस्सा लैने दी मेद ऐ। बक्ख-बक्ख सरकारी मैह्कमें आसेआ इस मेले दरान कल्याणकारी योजनाएं दी जानकारी देने लेई अपने पंडाल लाए जाडन। एहू आयोजन मकामी कारीगरें गी बढावा देने दा बी इक मंच ऐ। यू.टी प्रशासन आगामी आयोजन लेई सारे इंतजाम करने च लग्गी दी ऐ जिंदे च बुनियादी ढांचें गी दरूस्त करना, सब्बनें मुख ते लिंक शिड़कें उप्पर लुक पाना, बावे तला तगर पुज्ज ते शिड़कें गी दरूस्त करना, साफ-सफाई, शौच, जन सुरक्षा ते खेतीबाड़ी सरंबधी उपकरणें दी सेही कीमतां तैह करना बगैरा शामिल न। एहू मेला म्हान करसान बाबा जित्तो दे बलिदान गी समर्पित ऐ। जिनें बेयाई लेई अपनी जान देई दित्ती ही।

<><><><><><>

Snowfall

पच्छमी हवाएं च गड़बड़ी करी गुरेज च अज्ज ताजा बर्फबारी होई ऐ। अधिकारी मूजब Kilshay Top, Tulail ते आले दोआले दे ग्राएं च ताजा बर्फबारी होई। इस्सै दे चलदे कल हल्की बरखा या फही बर्फबारी होई सकदी ऐ।

<><><><><><>

COP-29

संयुक्त राष्ट्र दा 29मां सालाना जलवायु परिवर्तन सम्मेलन अजरबैजान दे बाकू च शुरू होआ। माली सम्मेलन दे तौर पर पेश कीते जा करदे 2 हफ्ते दे इस कार्यक्रम च एहू यकीनी करने पर विचार कता जा करदा ऐ जे जलवायु बदलाव कन्नै प्रभावित होने आहले सब्बनें थ्वां मते असुरक्षित मुल्ले च एहूदे नमें आर्थिक लक्ष्य गी कियां हासल कीता जा। बाकू च भारज जलवायु बदलाव दे सरबंध्यै च माली बवस्था आस्तै मात्रा दे आधार पर नमां सामूहिक लक्ष्य तैय करने दी मंग करोग। भारत दे आर्थिक सर्वेक्षण 2023-24 च एहू सारत दिती गेई ऐ जे पेरिस समझौते दा बचनबद्धता पूरी करने आस्तै 2030 तगर भारत गी लगभग ढाई लक्ख करोड़ डालर रकम दी लोड़ पौग।

<><><><><><>